



GIG
CYMRU
NHS
WALES

Mae prosiect cenedlaethol

wrthi'n cael ei baratoi er mwyn trawsnewid y ddogfennaeth y mae gofyn i nyrsys ei chwblhau bob dydd. Bydd y prosiect yn safoni ffurflenni ledled GIG Cymru ac yn eu gwneud yn ddigidol. Bydd y dogfennau'n defnyddio'r un iaith nyrsio safonedig er mwyn lleihau dyblygu a rhoi amser yn ôl er mwyn gofalu am gleifion.

Welcome to the first newsletter Rydym am roi'r wybodaeth ddiweddaraf i chi a'ch cadw'n rhan o'r prosiect pwysig hwn sy'n rhan o'r rhaglen e-ddogfennaeth ehangach ledled y GIG yng Nghymru. Bydd y cylchlythyr hwn yn rhoi trosolwg i chi o'r prosiect, ac yn eich cyflwyno i'r bobl sy'n ymwneud ag ef.

Pam fod digideiddio dogfennaeth nyrsio yn flaenoriaeth?

Mae pob un ohonom yn ymwybodol bod maint a chymhlethdod dogfennaeth nyrsio ledled Cymru wedi mynd allan o reolaeth ac i'r pwynt lle y mae, mewn rhai achosion, hyd at 72 o dudalennau o hyd ar gyfer derbyn un claf.

Y mae nid yn unig yn feichus i'w gwblhau ond mae'n cynnwys asesiadau a gwybodaeth ddemograffig sydd wedi eu dyblygu y mae cleifion a gofaluwr wedi cael eu holi amdanynt nifer o weithiau ar draws y lleoliadau gofal cymuned, eilaidd a thrydyddol. Gall hyn gael effaith negyddol ar nyrsys gan eu gadael yn teimlo'n rhwystredig eu bod yn gorfod dyblygu dogfennaeth sy'n tynnu oddi ar ddarpariaeth gofal cleifion uniongyrchol. Mae hyn wedi arwain yn gyson at ddogfennau sydd wedi eu cwblhau yn rhannol fel y nodwyd mewn adroddiadau archwilio.

Rydym eisiau cynhyrchu dogfennau nyrsio safonedig ar draws GIG Cymru sy'n dilyn claf ar hyd ei daith gofal iechyd gan ddefnyddio'r un iaith nyrsio safonedig er mwyn lleihau dyblygu a gwella profiad a gofal y claf.

Pwy sy'n arwain y prosiect? Mae gennym gynrychiolwyr clinigol o bob bwrdd ac ymddiriedolaeth iechyd yng Nghymru. Mae strwythur y prosiect wedi ei gynllunio er mwyn sicrhau bod ein gwaith yn cael ei arwain yn glinigol fel y gallwn ddatblygu datrysiad digidol sy'n addas i bwrpas, yn canolbwyntio ar y claf ac sy'n cydymffurfio â'r broses nyrsio.

Yn ôl y Swyddog Nyrsio Jean White:

"Rydym ni'n gwybod ei bod hi'n hanfodol ein bod yn cadw cofnodion cleifion manwl gywir, nid yn unig i asesu, cynllunio, cyflwyno a gwerthuso gofal ond fel gofyniad cyfreithiol.

Yn anffodus, mae'r arfer o gadw'r cofnodion hanfodol hyn ar bapur wedi dod yn faich ac mae'n cymryd staff y rheng flaen i ffwrdd o'u dyletswyddau gofal.

Felly, rwy'n falch iawn o weld y prosiect gwaith cenedlaethol hwn sy'n helpu gwella'r ffordd yr ydym yn cofnodi ac yn rhannu gwybodaeth drwy gofleidio'r cyfleoedd y mae cofnodion digidol yn eu cynnig.

Rwyf wir yn credu y bydd hyn yn gwneud gwahaniaeth gwirioneddol i aelodau o'r tim amlddisgyblaethol a'r bobl y maent yn gofalu amdanynt.

Rwy'n falch o groesawu darllenwyr i'r cylchlythyr cyntaf hwn ar ddigideiddio dogfennaeth nyrsio.

Mae hwn yn gyfle heriol a chyffrous ac edrychaf ymlaen at weld sut y bydd y rhaglen hon yn ein helpu i newid yn sylfaenol ein hymagwedd tuag at gadw cofnodion.

Pob lwc i bawb sy'n rhan o hyn."




Ar ba ddogfennau ydyn ni'n edrych arnynt yn gyntaf?

Fel man cychwyn, mae timau nyrsio'r byrddau ac ymddiriedolaethau iechyd wedi penderfynu mai'r set gyntaf o ddogfennau blaenoriaeth i'w safoni a'u datblygu yn ddigidol mewn gofal eilaidd i oedolion fydd:

- [Asesiad Mynediad Unedig](#)
- [Asesiad Risg o Syrthio](#)
- [Asesiad Risg o Niwed Drwy roi Pwysau ar y Croen](#)
- [Asesiad o Boen](#)
- [Asesiad o'r gallu i ymatal](#)
- [Asesiad Risg Maeth](#)
- [Asesiad Risg Trin â Llaw](#)
- [Arwyddion Hanfodol](#)

Mae'r rhain wedi eu dewis ar sail amllder y defnydd, a'r rhai hynny sydd â'r potensial mwyaf i wella asesiad claf, llywio cynllunio gofal a gwella diogelwch a chanlyniadau claf. Mae'r safoni'n cael ei ddatblygu trwy gydweithredu amlddisgyblaethol ac amlasiantaeth gyda gweithwyr gofal iechyd proffesiynol eraill, gan sicrhau bod gwybodaeth arbenigol ar sail tystiolaeth a phroffesiynol yn llywio'r gwaith.



Beth yw amserlenni'r prosiect?

Mae'r prosiect yn anelu at sicrhau bod y dogfennau a flaenoriaethir yn gyntaf ar gael i fyrddau ac ymddiriedolaethau iechyd er mwyn iddynt ddechrau eu gweithredu erbyn diwedd 2019.



Eich barn chi

Mae hwn yn gyfle cyffrous iawn i chi ddod yn rhan o bethau a ffurfio dogfennau nyrsio a ddigideiddiwyd yng Nghymru. Mae angen i ni ddeall beth mae'r gymuned nyrsio ledled GIG Cymru ei eisiau a'i angen mewn perthynas â dogfennaeth, cyfarpar electronig a hyfforddiant. Byddwn yn anfon ein harolygon at nyrsys a rhanddeiliaid eraill gan fod arnom angen eich mewnbwn chi er mwyn i hyn lwyddo. Os hoffech ragor o wybodaeth am ddigideiddio dogfennaeth nyrsio, cysylltwch â'ch arweinydd nyrsio clinigol ar gyfer y prosiect yn eich bwrdd/ymddiriedolaeth iechyd.



Cyflwyno'r tîm



Ymddiriedolaeth GIG Gwasanaeth Ambiwylans Cymru

Uwch Swyddog Cyfrifol y Project: Claire Bevan, Cyfarwyddwr Ansawdd, Diogelwch, Profiad Cleifion a Nyrsio

Claire yw Prif Weithredwr Ansawdd, Diogelwch, Profiad Cleifion a Nyrsio yn Ymddiriedolaeth GIG Gwasanaeth Ambiwylans Cymru, Nyrs Gofrestredig gyda 36 mlynedd o brofiad yn gweithio ar draws byrddau ac ymddiriedolaethau iechyd yn GIG Cymru ac mae ganddi MSc mewn Arweinyddiaeth ar gyfer Gwelliant yn y Gwasanaeth Iechyd.

Mae Claire wedi arddangos ymrwymiad llawn a ffocws cadarnhaol er mwyn gweithio gyda chydweithwyr ar draws GIG Cymru a phartneriaid allweddol er mwyn sicrhau bod y prosiect hwn yn llwyddiant, gan gynrychioli nyrsys a chyfarwyddwyr nyrsio ledled Cymru.



Cymru Gyfan

Cyswllt: frances.beadle@wales.nhs.uk

Fran Beadle: Arweinydd Gwydodeg Glinigol Cenedlaethol (Nyrsio)

Mae Fran yn nyrs gofrestrddig sydd ag MSc mewn Gwybodaeth Iechyd ac mae hi'n cael ei chyflogi ar hyn o bryd gan Wasanaeth Gwybodaeth GIG Cymru er mwyn cynghori ar safoni a digideiddio dogfennaeth nyrsio ledled Cymru.

Ymhlith ei phrofiad blaenorol mae cynghori ar ddatblygu safonau, polisiau a chanllawiau dogfennaeth nyrsio ar lefel leol a chenedlaethol er mwyn cefnogi darparu a chyflwyno gofal diogel ac effeithiol. Mae cymysgedd unigryw Fran o wybodaeth a gallu technegol wedi eu trosi i welliannau trawsnewid i gleifion a chlinigwyr.



Bwrdd Iechyd Prifysgol Aneurin Bevan

Cyswllt: Helen.Dinham@wales.nhs.uk

Helen Dinham: Arweinydd Clinigol

Dechreuodd Helen ei gyrfa gyda Bwrdd Iechyd Prifysgol Caerdydd a'r Fro gan ymgymryd â rolau mewn llawfeddygaeth a gwelliant, a datblygu i uwch rolau arweiniol o fewn theatrau. Ar ôl cwblhau ei MSc (2002), daeth Helen yn Ddarlithydd Anrhydeddus ym Mhrifysgol Morgannwg.

Yn 2017, cafodd Helen ei phenodi yn Nyrs Arweiniol Gwybodeg Glinigol, ABUHB.

Yn ystod ei gyrfa, mae Helen wedi ennill nifer o wobrau gan gynnwys Gwobr Prif Swyddog Nyrsio'r Coleg Nyrsio Brenhinol (2013), Gwobr Nyrs y Flwyddyn y British Journal of Nursing (2014) a Gwobr Bevan am Iechyd a Lles (2014).



Bwrdd Iechyd Prifysgol Abertawe Bro Morgannwg

Cyswllt: Paul.Rees3@wales.nhs.uk

Paul Rees: Arweinydd Clinigol

Mae Paul wedi bod yn nyrs am 32 o flynyddoedd, ac mae mwyafrif yr amser hwn wedi ei dreulio yn gweithio o fewn amgylchiadau gofal dwys. Am yr 20 mlynedd ddiwethaf mae wedi gweithio ym maes llawfeddygaeth cardiothoracig, am yr 8 mlynedd ddiwethaf fel y metron ar gyfer y gwasanaeth hwnnw.

Mae ganddo ddiddordeb proffesiynol mewn salwch dwys, a sut y gallwn wella systemau a all ddatblygu rheolaeth gyffredinol wardiau/unedau. Gweledigaeth Paul fyddai system integredig, ryngweithredol a rhyngddisgyblaethol. Mae'n sylweddoli y bydd angen i hyn fod yn gynyddol o bosibl, fodd bynnag, mae'n credu bod modd ei gyflawni.



Bwrdd Prifysgol Betsi Cadwaladr

Cyswllt: rachael.robins@wales.nhs.uk

Rachael Robbins: Arweinydd Clinigol

Mae Rachael Robbins o Fwrdd Iechyd Prifysgol Betsi Cadwaladr yn Nyrs Gofrestredig, gyda chefnidir clinigol mewn Nyrsio Anabledd Dysgu. Cymerodd ei gyrfa gyfeiriad gwahanol gyda'r cyfle i ddod yn rhan o ddatblygu Llwybrau Gofal Integredig ac yna'r fenter Gwella 1000 o Fwydau, a ganiataodd i Rachael ddatblygu sgiliau a gwybodaeth i Wella Ansawdd.

Yn fwy diweddar, mae Rachael wedi bod yn gweithio'n agos â'r Tîm Gwybodeg er mwyn datblygu dangosfyrddau digidol i glinigwyr a gyrru'r defnydd o ddata ar gyfer gwelliant. Ar hyn o bryd, mae hi'n Brif Swyddog Gwybodaeth Nyrsio dros dro.



Bwrdd Iechyd Prifysgol Betsi Cadwaladr

Cyswllt: jane.brady@wales.nhs.uk

Jane Brady: Arweinydd Clinigol

Mae Jane wedi gweithio yn y GIG ers bron i 20 mlynedd. Mynychodd Brifysgol Bangor ble cwblhaodd hi ei hyfforddiant nyrsio a chymhwyso fel Nyrs Gofrestredig (Plant) ym 1998. Ar ôl gorffen ei hyfforddiant fel nyrs, gweithiodd Jane ar Ward Plant Bwrdd Iechyd Prifysgol Betsi Cadwaladr a gweithio'i ffordd i fyny i rôl Prif Nyrs/Nyrs Datblygu Practis.

Ym mis Awst 2015, cafodd Jane ei throsglwyddo i'r tîm prosiectau fel arweinydd nyrsio ar Brosiect Nyrsio SBRI. Ers 2016, mae Jane wedi gweithio i'r Adran Gwybodeg o fewn Bwrdd Iechyd Prifysgol Betsi Cadwaladr fel rhan o'r tîm Rhaglenni a Systemau Clinigol fel Rheolwr Cynorthwyol Cymorth Busnes. Yn ddiweddar, cafodd Jane y swydd o Uwch Arbenigwr Arweiniol Gwybodeg Nyrsio ar gyfer Bwrdd Iechyd Prifysgol Betsi Cadwaladr ac mae hi'n edrych ymlaen at ddod yn rhan o'r Prosiect Digiddeiddio Dogfennau Nyrsio Cymru Gyfan.



Bwrdd Iechyd Prifysgol Caerdydd a'r Fro

Cyswllt: Lynda.Jenkins2@wales.nhs.uk

Lynda Jenkins: Arweinydd Clinigol

Nyrs Gyffredinol Gofrestredig, BSc (Anrhydedd) Nyrsio; MSc Rheoli Haint. Mae Lynda yn Nyrs Gofrestredig a chanddi dros 30 mlynedd o brofiad ac mae hi wedi bod mewn rolau rheoli nyrsio gweithredol, arbenigol a chorfforaethol ym Mwrdd Iechyd Prifysgol Caerdydd a'r Fro. Ei swydd fwyaf diweddar, Safonau a Rheoleiddio Proffesiynol oedd y catalydd ar gyfer ei diddordeb mewn gwella dogfennaeth nyrsio, nid yn unig yr hyn mae nyrsys yn ei ysgrifennu ond er mwyn gwella ansawdd a lleihau'r amrywiaeth a nifer o ddogfennau y mae disgwyl iddynt eu cwblhau.

Yn ei hamser sbâr, mae Lynda yn mwynhau pob gweithgaredd awyr agored, yn enwedig syrffio bwrdd a beicio a'u chyflawniad gorau hyd yn hyn yw cymryd rhan yn nhaith feicio Carten o Gaerdydd i Ddinbych-y-pysgod.



Bwrdd Iechyd Prifysgol Cwm Taf

Cyswllt: mark.townsend@wales.nhs.uk

Mark Townsend: Pennaeth Archwilio Clinigol a Gwybodeg Ansawdd

Mark yw Pennaeth Archwilio Clinigol a Gwybodeg Ansawdd o fewn Bwrdd Iechyd Prifysgol Cwm Taf. Mae'n Nyrs Gofrestredig a Bydwraig â Diploma a chanddo dros 35 mlynedd o brofiad mewn iechyd, gyda chefnidir mewn gofal dwys cyn geni; bydwreigiaeth; meddygaeth gyffredinol; rheoli gwybodaeth a thechnoleg glinigol a gwybodeg iechyd. Yn ystod secondiad i dîm Prif Swyddog Nyrsio i Gymru, arweiniodd ddatblygiad Dangosfwrdd Nyrsio a Bydwreigiaeth Cymru.

Yn fwy diweddar, mae wedi bod yn gyfrifol am ddatblygu dangosfyrddau gwella ansawdd clinigol lleol, goruchwylio ailddatblygu system monitro iechyd a gofal Cymru Gyfan ar gyfer y casgliad o wybodaeth craffter staffio nyrsys ac wedi ei benodi'n Brif Swyddog Gwybodaeth Nyrsio ar gyfer Bwrdd Iechyd Prifysgol Cwm Taf.



Bwrdd Iechyd Prifysgol Hywel Dda

Cyswllt: Judith.C.Bowen@wales.nhs.uk

Judith Bowen: Arweinydd Clinigol

Hyfforddodd Judith fel Nyrs Gofrestredig yn Reading. Galluogodd ei phrofiad ar ôl cofrestru iddi gael ei phenodi i rôl Arbenigwr Nyrsio Clinigol lle bu'n llwyddiannus yn ailsefydlu a datblygu Gwasanaeth Ymatal integredig amlddisgyblaethol ar draws asiantaethau eilaidd, sylfaenol a thrydydd sector.

Mae Judith yn Uwch Nyrs ar gyfer Datblygiad Proffesiynol a Phractis o fewn Bwrdd Iechyd Prifysgol Hywel Dda, a ffocws penodol ar gyfer y safle hwn yw cadw cofnodion nyrsys, dogfennaeth ac egwyddorion proffesiynol ar gyfer arfer; yn ogystal â galluogi nyrsys i ddefnyddio systemau technoleg gwybodaeth i ddadansoddi canlyniadau yn ymwneud ag arfer er mwyn bod o fudd i ddatblygu practis a gofal cleifion.



Bwrdd Iechyd Addysgu Powys

Cyswllt: caroline.pears@powys.gov.uk

Caroline Pears: Arweinydd Clinigol (wedi ei rannu)

Astudiodd Caroline ym Mhrifysgol Morgannwg ac yn y Brifysgol Agored gan ennill cymwysterau mewn Iechyd a Gofal Cymdeithasol, Arweinyddiaeth a Rheolaeth, Busnes ac mae ganddi gymhwyster Prince 2.

Mae hi wedi gweithio i wasanaethau cyhoeddus am dros 24 o flynyddoedd. Treuliodd 19 o'r rheini yn gweithio i wasanaethau rheng flaen yn datblygu systemau yn seiliedig ar arfer a thystiolaeth. Daeth o hyd i'w hangerdd tuag at gefnogi datblygu gwasanaethau rheng flaen ar gyfer iechyd a gofal cymdeithasol, gan leihau'r pwysau ar staff a chefnogi cleientiaid pryd bynnag y mae hynny'n bosibl trwy'r defnydd o dechnoleg.

Yn fwyaf diweddar, mae hi wedi gweithio fel rheolwr rhaglen yn gyfrifol am gyflwyno System Wybodaeth Gofal Cymunedol ar gyfer Cyngor Sir Powys a Bwrdd Iechyd Powys.



Ymddiriedolaeth GIG Felindre

Cyswllt: Christian.Smith2@wales.nhs.uk

Christian Smith: Arweinydd Clinigol

Cwblhaodd Christian ei hyfforddiant nyrsio yn Ysgol Nyrsio Queen Elizabeth, Birmingham, lle cymhwysodd ym 1995. Mae ganddo BSc mewn Gofal Canser ac MSc mewn arfer uwch, ac mae'n rhagnodwr anfeddygol cymwys. Mae'n parhau mewn arfer clinigol gan ddarparu cymorth a rhagnodi triniaeth wrth ganser systemig ar gyfer cleifion cancer wrolegol a'r ysgyfaint.

Mae gan Christian 20 mlynedd o brofiad o weithio gyda chleifion mewnol a chleifion allanol. Bydd y cyfoeth hwn o wybodaeth yn ei helpu i lywio digideiddio dogfennau nyrsio er mwyn ymgorffori ymagwedd ar hyd y system.



GIG
CYMRU
NHS
WALES

Gwasanaeth
Gwybodeg
Informatics
Service



Trawsnewid Nyrsio I Ffyrdd Digidol O Weithio

CANLYNIAD
2020

SEFYLLFA
BRESENN

YMCHWILIO
I'R PWNC

CYNNIG

MYND I'R AFAEL
Â'R BROBLEM

METHODOLEG

Llywodraeth
Cymru

Prif
Swyddog
Nyrsio
Cymru

Cyfarwyddwyr
Nyrsio

Arweinydd
Nyrsio
Gwybodeg
Glinigol
Genedlaethol

Dadansoddi
Dogfennaeth
Bresennol

Nyrsys
Arolwg

Adnabod
Arfer Orau

Adnabod
Rhwystrau
A Buddion

Dyblygu

Cydymffurfio
Gwael Â
Dogfennau

Cymryd
Gormod O
Amser

Ailadrodd
Cwestiynau

Archwilio Â
Llaw

Dogfennaeth
Symlach

Cadw
Cofnodion Yn
Well

Profiad Gwell
I'r Claf/
Defnyddiwr

Adrodd
Awtomataidd

Dogfennu
Unwaith

Rhagor O
Amser Wrth
Ochr Y
Gwely

Cynllun
Wedi Ei
Yrru Gan
Nyrsys

Gweithdai
Safoni

Gweithio'n
Amlddisgyblaethol

Cydweithio

Adolygu
Gofynion Offer

Recriwtio
Arweinwyr
Gwybodeg
Nyrsio

Sefydluo Tîm
Prosiect

Cyllid Gan
Lywodraeth
Cymru